

Arkiv: <arkivID><jplID> FE-144
JournalpostID:
Sakshandsamar:
Dato: 14.04.2023

Saksframlegg

Saksnr.	Utval	Møtedato
061/23	Utval for areal, plan og miljø	26.04.2023

Oppstart kommunedelplan for Naturmangfald - vedtak om høyring og offentlig ettersyn av planprogram

Kommunedirektøren sitt framlegg til vedtak:

Areal, plan og miljø (APM) vedtek oppstart av arbeid med kommunedelplan for Naturmangfald i Alver kommune, og at det samstundes vert lagt ut planprogram for planen til offentlig høyring og ettersyn i minimum 6. veker. Heimel: plan og bygningslova kap. 11 &11-13.

Utval for areal, plan og miljø 26.04.2023:

Handsaming:

Orientering til saka v/Kristin Nåmdal-tenesteleiar Plan og analyse

Kommunedirektøren sitt framlegg vart samrøystes vedteke.

APM- 061/23 Vedtak:

Areal, plan og miljø (APM) vedtek oppstart av arbeid med kommunedelplan for Naturmangfald i Alver kommune, og at det samstundes vert lagt ut planprogram for planen til offentlig høyring og ettersyn i minimum 6. veker. Heimel: plan og bygningslova kap. 11 &11-13.

Politisk handsaming

Varsel om planoppstart og offentlig ettersyn og høyring av planprogram skal avgjerast i utval for areal, plan og miljø. Fastsetting av planprogram etter høyring skal avgjerast i kommunestyre.

Saka gjeld

Kommunedirektøren tilrår å starte opp eit arbeid med kommunedelplan for naturmangfald. Planprogrammet er første fase i arbeidet. Eit planprogram skal visa formålet med planarbeidet og planprosessen med frister og deltakarar og opplegg for medverknad.

Forslag til planprogram vert sendt på høyring og offentlig ettersyn samtidig med varsling av planoppstart.

Planprogrammet vert fastsett av kommunestyre etter høyringa og offentlig ettersyn.

Alver kommune har rike naturverdiar og store variasjonar i naturmangfald. *Naturmangfald definerast som biologisk, landskapsmessig og geologisk mangfald. Det vil sei at naturmangfald er summen av mangfaldet i naturen og prosessane i økosystema dei lever i.*

Eit av dei viktigaste måla med utarbeiding av planen er å auke kompetansen om naturmangfaldet i kommunen og belyse kvar det er kunnskapshol. Vidare er eit viktig mål å sikre at det ikkje skjer ei forringing av naturmangfald i kommunen og å belyse moglege tiltak for å betre forholda for naturmangfaldet.

Saksopplysningar

Bakgrunnen for kommunal utarbeiding av kommunedelplanar for naturmangfald kjem frå Meld. St. 14 (2015-

16) Natur for livet – norsk handlingsplan for naturmangfold der det står at:

"kommunene skal øke sin kompetanse om naturmangfold. Utarbeidelse av en egen kommunedelplan for naturmangfold vil være et viktig bidrag til den mer grundige interesseavveiningen som skal foretas i den etterfølgende prosessen med kommuneplanens arealdel".

Planstrategien for Alver seier at det skal utarbeidast ein plan for miljø og klima. KDP- naturmangfold vil vere ein måte å svare ut deler av denne bestillinga på. Vi vil få eit oppdatert kunnskapsgrunnlag og strategiar knytt til korleis vil skal arbeide med dette viktige tema.

Mål med planarbeidet

- Kommunedelplanen skal gjere naturinformasjon meir tilgjengeleg for allmenta og forvaltninga.
- Planen skal synleggjere kva utfordringar kommunen har når det gjeld naturmangfold.
- Planen skal gje eit oppdatert kunnskapsgrunnlag.
- Planen skal synleggjere kunnskapshol og peike på område der oppdatert kunnskap er nødvendig.
- Peike på strategiar for ivaretaking av naturmangfaldet i kommunen

For meir informasjon om prosess og kva planen skal innhalda sjå vedlagt planprogram.

Partar

Kommunedelplan for naturmangfold for Alver kommune skal utarbeidast i samsvar med plan-og bygningslova. Då sikrar vi eit utvida grunnlag for medverknad og ein større grad av forankring politisk og administrativt. Det er laga eit prosjektmandat for arbeidet med prosjektleiar og tverrfagleg prosjektgruppe. Arbeidet vert tett knyta på det pågåande arbeidet med kommuneplanen sin arealdel. Statsforvaltar vil vere ein samarbeidspart i arbeidet.

Vurdering:

Naturmangfold er ein viktig del av vurderingane knytt til arbeidet med kommuneplanen sin arealdel. For å kunne gjere vurderingar knytt til arealendringar i KPA er vi avhengige av oppdatert kunnskapsgrunnlag knytt til naturmangfold. Det er difor rett tid for Alver å starte opp arbeidet med denne planen nå, slik at dette går parallelt med arbeidet med KPA.

Kommunedelplanen vil ha temakartlag for naturmangfold som skal synleggjere kva areal som er prioriterte område for naturmangfold, og kvar det er behov for ny kunnskap. Temakartet vil vere kunnskapsgrunnlag i arbeidet med kommuneplanen sin arealdel.

Økonomiske konsekvensar

Alver kommune er ein av 17 kommunar i Noreg som vart innvilga tilskot på kr. 175 000,- frå Miljødirektoratet til utarbeiding av kommunedelplan for naturmangfold i 2023 Midlane vert nytta til å frikjøpe interne ressursar i organisasjonen som skal prosjektleie arbeidet.

Kommunedirektøren si tilråding

Kommunedirektøren rår til at det vert kunngjort oppstart av arbeid med kommunedelplan for naturmangfold i Alver kommune, og samstundes leggje ut planprogram for planen til offentleg høyring og ettersyn i minimum 6 veker.

Kunnskapsgrunnlaget til planen vil vere eit viktig kunnskapsgrunnlag i arbeidet med kommuneplanen sin arealdel som er i prosess. Arbeidet med ein kommunal plan for naturmangfold skal være eit verkemiddel for å setja naturmangfaldet på den lokalpolitiske dagsorden og etablera ein større grad av lokal forankring og medverking i prioriteringa av viktige naturområde i kommunen.

Kommunedelplan for naturmangfold skal styrke kunnskapsgrunnlaget for politiske og administrative avgjersler i kommunen.

Planen vil gjere saksgang føreseieleg for forvaltninga, eigarar og utbyggjarar og være reiskap for å synleggjere naturmangfaldet som ressurs for kommunen.

Kommunedelplanen vil bidra til at kunnskapen om naturmangfaldet vert meir systematisert og at fleire får

kjennskap til kva verdiar som finst.

Vedlegg i saken:

17.04.2023 Planprogram_naturmangfald 14.04.23

1911331